



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Privilegium

urn:nbn:de:hbz:466:1-29861

PRIVILEGIUM

CAROLVS QVINTVS Diuina fauentō
clementia Romanorum Imperator Augustus, ac
Germaniæ, Hispaniarum, vtriusque Sicilię, Hieru-
salem, Hungarię, Dalmatię, Croatię, &c. Rex. Archidux
Austrię, Dux Burgundię, Brabantię, &c. Comes Hab-
burgi, Flandrię, Tirolis, &c. Notū facimus tenore præ-
sentium vniuersis. Cum fidelis nobis dilectus Ioannes
Christopherson Anglus, Studens in alma Vniuersitate
nostra Louaniensi nobis exposuerit, se magno cum labo-
re, industria & cura correxisse, & fideliter ac verè de Græ-
co in Latinum sermonem traduxisse decem libros de Hi-
storia Ecclesiastica, & quatuor de vita Constantini, ab Eu-
sebio cognomento Pamphilo compositos, cum duabus
Orationibus, altera ab eodem Eusebio, de laudibus Con-
stantini, altera ab ipso Constantino ad Sanctorum Cœ-
tum scriptis. Septem præterea libros Socratis, Quin-
que Theodoriti, Nouem Sozomeni, & Sex Euagrii de
Historia quoque Ecclesiastica conscriptos, vnā cum Epi-
tome Theodori Lectoris de eodem argumento. Eos-
demque libros sic vt præmittitur per illum correctos,
& in Latinum sermonem conuersos, ac per Honorabilem
deuotum, nobis dilectum, Ruardum Tapper Sacrę Theo-
logię Professore, & Decanum Ecclesię Collegiærę
Sancti Petri Louaniensis, reuisos & approbatos, in pu-
blicum studiosorum vsū ædere decreuisse, vereri autem,
ne quod alioqui nō rarò, præsertim in re literaria accide-
re solet, vt alij ex alterius incommodo suum comparare
commodum studeant, atque alieno labore & industria be-
ne parta, in suum malè conuertāt vsū, huiusmodi opera,
& libros, postquam ab eo ædita fuerint, alij temerè imiten-
tur, atque adeo, si quibusuis illa imprimere liberum sit, rur-
sus cum magno Studiosorum incommodo deprauentur,
& ipse laboribus, & sumptibus, quos tam in correctione &
translatione, quàm in æditione & impressione dictorum li-
brorum sustinuit, defraudetur, cum graui etiā impressoris,
qui ea excudenda suscepit iactura. Nobisque propterea
humiliter supplicauerit, vt ipsum & lucubratiōes suas præ-

†††

fatas ab

fatas ab huiusmodi iniuria vindicare, & priuilegio nostro munire dignaremur. NOS itaq; qui plurimū illis fauimus, qui sua opera & industria publica studia iuuare contendūt, præfati Io. Christopheron precibus benignè anuentes, tenore præsentium autoritate nostra Imperiali, & ex certa scientia nostra decernimus, statuimus, & ordinamus, ne quis Calcographus, Bibliopola, Mercator, Institor, aut quicumque alius, cuiuscunque status aut conditionis fuerit, noster & Imperij Sacri subditus, quacunque Imperij & ditionis nostræ fines patent, præfatos libros omnes & singulos coniunctim vel diuisim à præfato Ioanne Christopheron correctos, & in sermonē Latinum translatos intra decennium à prima dictorum librorum æditione continuè numerandum, sine ipsius Authoris expressa voluntate imprimere aut imprimi facere, aut aliunde impressos adportare, vendere, distrahere, aut vendi seu distrahi facere, neque venum exponere publicè vel occultè audeat vel præsumat, quatenus gratiam nostram charam habeant, ac præter librorum sic ad æmulationē seu imitationem excusorum amissionem, quos ipsi Ioannes Christopheron, aut ipsius hæredes, eorumve Nunciij seu Procuratores, vbicunque deprehenderint, adiumento Magistratus eius loci accipere, & in vsus suos cōuertere possunt, ac debent penam Decem Marcarum auri puri, pro dimidia Fisco nostro Imperiali, reliqua verò parte ipsi Ioanni Christopheron vel eius hæredibus, toties quoties contra factum fuerit irremissibiliter applicandam, cupiant euitare. Harum testimonio literarum, Sigilli nostri Cæsarei appensione munitarum, Dat. in Oppido nostro Bruxellis Brabantiq; die decima mensis Maij. Anno Domini Millesimo, Quingētesimo, Quinquagesimo tertio. Imperij nostri Trigésimo tertio, & Regnorum nostrorum, Trigésimo octauo.

CAROLVS.

A. Perzenot.

Ad mandatum Cæsareæ & Catholicæ
Maiestatis proprium.

Haller.

Simili